




Republika e Kosovës  
Republika Kosova- Kosova Cumhuriyeti



Komuna e Prizrenit  
Opština Prizren – Prizren Belediyesi

## KUVENDI I KOMUNËS SË PRIZRENT



### RAPORTI I PUNËS SË KUVENDIT TË KOMUNËS SË PRIZRENT PËR PERIUDHËN (JANAR-DHJETOR 2023)

## PËRMBAJTJA:

<b>1. Hyrje</b>	
1.1. Hyrje .....	3
<b>2. Veprimtaria e Kuvendit Komunal</b>	
2.1. Kompetencat dhe përgjegjësitë e Kuvendit të Komunës.....	4
2.2. Përbërja e Kuvendit të Komunës së Prizrenit.....	4
<b>3. Përmbledhje e aktiviteteve të Kuvendit të Komunës së Prizrenit</b>	
3.1. Numri i mbledhjeve të Kuvendit .....	5
3.2. Numri i pikave të shqyrtuara, diskutuara dhe miratuara.....	6
<b>4. Përmbledhja e të gjitha Akteve</b>	
4.1. Përmbledhje e Akteve të miratuara sipas muajve dhe mbledhjeve.....	7
4.2. Aktet e Kuvendit të kthyer për Rishqyrtim nga Organi Mbikëqyrës.....	11
<b>5. Plani i Punës së Kuvendit</b>	
5.1. Realizimi i Planit të Punës.....	12
5.2. Sfidat në realizimin e Planit të Punës.....	12
<b>6. Transparenca e Kuvendit</b>	
7.1. Hapja dhe transparenca e proceseve vendimmarrëse .....	13
7.3. Bashkëpunimi dhe mirëmbajtja e dialogut me shoqërinë civile.....	13
<b>7. Sfidat dhe Problemet Kryesore</b>	
7.1. Identifikimi i sfidave kyçe dhe problematikave .....	14
7.2. Hapat që janë ndërmarrë për të adresuar këto sfida.....	14
<b>8. Përfundim</b>	
8.1. Prioritetet e planifikuara për vitin 2024.....	15
8.2. Përmbledhje e përgjithshme, komente, sugjerime.....	15

## 1. Hyrje

Të nderuar dhe të respektuar anëtarë të Kuvendit të Komunës së Prizrenit,

Me kënaqësi ju paraqesim raportin vjetor që përmbledh me kujdes aktivitetet, punët, angazhimet, arritjet dhe sfidat e Kuvendit tonë, për periudhën janar-dhjetor 2023. Këtë dokument e kemi hartuar me përkushtim dhe synim për të ofruar një pasqyrë të qartë dhe të kompletuar për qytetarët tanë të dashur, duke i njohur ata me punën dhe përpjekjet tona të përbashkëta në shërbim të komunitetit. Raporti ynë ka si synim themelimin e një marrëdhënieje të fortë dhe të hapur me qytetarët tanë të nderuar. Përmes këtij mediumi, synojmë të rrisim nivelet e transparencës dhe llogaridhënies duke e bërë të mundur për qytetarët të kenë një panoramë të qartë mbi veprimtarinë dhe vendimmarrjen tonë.

Me kujdes dhe përpikëri, kemi dokumentuar hapat tanë drejt përmbushjes së detyrave tona ligjore dhe morale, duke u fokusuar në përmirësimin e cilësisë së jetës së qytetarëve tanë. Për ne, kujdesi ndaj nevojave të komunitetit dhe angazhimi për zgjidhjen e sfidave janë në qendër të veprimtarisë sonë.

Ju lutemi të gjeni këtë raport si një burim të vlefshëm informacioni të përkushtimit tonë ndaj përmirësimit të jetës së përgjithshme të komunitetit tonë të dashur.

Faleminderit për vëmendjen tuaj të çmuar dhe bashkëpunimin e vazhdueshëm.

## **2. Veprimtaria e Kuvendit të Komunës**

Në këtë kapitull do të paraqitet veprimtaria e Kuvendit, kompetencat, përgjegjësitë, si dhe përbërja e Kuvendit të Komunës.

### **2.1. Kompetencat dhe përgjegjësitë e Kuvendit të Komunës**

Kuvendi i Komunës është organi më i lartë në Komunë i cili zgjidhet drejtpërdrejt nga qytetarët dhe funksionon në bazë të Ligjit për vetëqeverisje lokale, Statutit dhe akteve të tjera nënligjore.

Kuvendi i Komunës ka kompetenca dhe përgjegjësi ekskluzive për çështjet vijuese:

- Statutin dhe Rregulloren e punës, rregulloret komunale dhe miratimin, ndryshimin dhe shfuqizimin e tyre;
- Miratimin e buxhetit dhe planeve investuese;
- Miratimin e çështjeve të tjera financiare, të cilat janë të rezervuara për Kuvendin sipas statutit apo Rregulloreve të punës;
- Planin vjetor të punës dhe raportin vjetor;
- Themelimin e komisioneve të kërkuara sipas Ligjit;
- Nivelin e tarifave dhe ngarkesave;
- Krijimin dhe përdorimin e simboleve, dekoratave dhe titujve të nderit të Komunës, në pajtim me ligjin në fuqi;
- Emërimin dhe riemërimin e rrugëve, rrugicave dhe vendeve të tjera publike;
- Arritjen e marrëveshjeve ndërkomunale dhe brenda komunale;
- Marrjen e vendimeve për t'u bashkuar me asociacione përfaqësuese të komunave të Republikës së Kosovës; dhe
- Përgjegjësi të tjera që kërkohen me ligj.

Për marrjen e vendimeve në çështje të caktuara, Kuvendi i Komunës mund t'ia delegojë pushtetin e tij komiteteve të përhershme të Kuvendit të Komunës, apo Kryetarit të Komunës.

Kuvendi është i obliguar t'i ushtroj detyrat dhe kompetencat sipas ligjeve dhe akteve nënligjore në fuqi në mënyrë sa më transparente karshi publikut.

### **2.2. Përbërja e Kuvendit të komunës së Prizrenit**

Legjislatura aktuale e Kuvendit të Komunës së Prizrenit është zgjedhur nga zgjedhjet lokale të tetorit të vitit 2021.

Komuna e Prizrenit si qyteti i dytë me numrin më të madh të banorëve në Republikën e Kosovës, përbëhet nga 41 anëtarë të Kuvendit, me përfaqësim të dhjetë (10) subjekteve të ndryshme politike.

Në këtë vegëzë gjeni të publikuara në web-faqen e Komunës së Prizrenit anëtarët e Kuvendit, informatat e tyre si dhe kontaktet:

<https://kk.rks-gov.net/prizren/asambleistet-keshilltaret/>


### 3. Përmbledhje e aktiviteteve të Kuvendit të Komunës së Prizrenit

Në këtë kapitull do të paraqiten të dhënat statistikore për KK-Prizren 2023, siç janë: Numri i mbledhjeve, numri i pikave që janë diskutuar në Kuvend, numri i akteve që janë miratuar, numri i informatave, raporteve dhe të tjera.

#### 3.1. Numri i Mbledhjeve të Kuvendit

Përmes grafikut do të paraqesim numrin e mbledhjeve të Kuvendit:

Grafiku 1: Mbledhjet e Kuvendit




Në këtë vegëzë gjeni të publikuara të gjitha thirrjet e mbledhjeve gjatë vitit 2023:

<https://kk.rks-gov.net/prizren/category/thirrjetprocesverbalet/>

### 3.2.Pika të shqyrtuara, diskutuara dhe miratuara:

Përmes grafikut do të paraqesim numrin e pikave:

Grafiku 2: Pikat..



Në këtë vegëzë gjeni të publikuara të gjitha ftesat e mbledhjeve si dhe materialet që janë shqyrtuara, diskutuara dhe miratuara gjatë vitit 2023:

<https://kk.rks-gov.net/prizren/category/materialet-e-kuvendit/>

#### **4. Përmbledhja e të gjitha Akteve**

Në vijim do të përmbledhim të gjitha aktet të cilat janë miratuar nga Kuvendi i Komunës, gjatë vitit 2023 sipas muajve.

##### **4.1.Përmbledhje e Akteve të miratuara sipas muajve dhe mbledhjeve:**

###### **Mbledhja e rregullt – 26 janar 2023:**

1. Vendim për dhënien e titullit “Qytetar Nderi” i Prizrenit për z. Erion Veliq;
2. Vendim mbi Shpalljen e Interesit të Përgjithshëm Publik;
3. Vendimit për Zonat e Mbulimit në shkollat e Komunës së Prizrenit sipas nivelit 1 dhe 2 të Standardeve Ndërkombëtare të Klasifikimit të Arsimit;
4. Vendim për miratimin e Planit të punës së Kuvendit të Komunës për vitin 2023.
5. Vendim për miratimin e Planit të Veprimit për Transparencë në Komunën e Prizrenit 2023-2027.
6. Vendim Paraprak për shpalljen e ankandit-tenderit publik për dhënien në shfrytëzim-qera afatshkurtër të lokaleve pronë komunale
7. Vendim për formimin e komisionit vlerësues për dhënien në shfrytëzim-qera afatshkurtër të lokaleve pronë komunale.

###### **Mbledhja e jashtëzakonshme – 06 shkurt 2023:**

1. REKOMANDIM Nr. 001/011-19932

###### **Mbledhja e jashtëzakonshme – 14 shkurt 2023:**

1. Vendim për ndarjen e mjeteve financiare (buxhetore) për Republikën e Turqisë dhe Komunën e Skenderajt

###### **Mbledhja e rregullt – 27 shkurt 2023:**

1. Vendim për themelimin e komisionit dhe emërimin e anëtarëve të komisionit për emërimin e rrugëve shesheve dhe lagjeve të Komunës së Prizrenit

###### **Mbledhja e rregullt – 30 mars 2023:**

1. Vendim për bartjen e mjeteve të pashpenzuara nga të hyrat vetanake të vitit 2022 në vitin 2023

2. Vendim për ndryshimin dhe plotësimin e vendimit Nr. 001/011- 62915 për themelimin dhe emërimin e anëtarëve të Komitetit për Shërbime Publike dhe Planifikim Urban
3. Vendim për miratimin e Planit të Punës për Këshillin Komunal për Siguri në Bashkësi (KKS) për vitin 2023.
4. Rregullore për funksionimin e institucioneve edukative-arsimore të Komunës së Prizrenit

#### **Mbledhja e rregullt – 04 maj 2023:**

1. Vendim për dhënien në shfrytëzim të pronës së paluajtshme të komunës kompanisë kosovare për distribuim dhe furnizim me energji elektrike (KEDS)
2. Vendim mbi shpalljen e interesit të përgjithshëm publik
3. Vendim për ndryshimin dhe plotësimin e vendimit nr nr.001/011-25147 të datës 14 shkurt 2023 për ndarjen e mjeteve financiare (buxhetore) për republikën e Turqisë dhe komunën e Skenderajt .
4. Vendim për bartjen e mjeteve të pa shpenzuara nga të hyrat vetanake të vitit 2022 në vitin 2023
5. Vendim për formimin e Komisionit komunal të aksionareve për Ndërmarrjen Publike Lokale, "Stacioni i Autobusëve", Sh.A, Prizren,
6. Vendim për miratimin e planit komunal për ri integrimin e qëndrueshëm të personave të riadhesuar dhe integrimin e të huajve në komunën e Prizrenit për periudhën 2023 – 2025.
7. Vendim për anulimin e rregullores nr.001/011-157570 të datës 31.10.2022 mbi trajtimin e mënyrës së shfrytëzimit të hapësirës publike të qytetit dhe zonës historike të Prizrenit.

#### **Mbledhja e rregullt – 22 qershor 2023:**

1. Vendim për miratimin e korinzës afatmesme buxhetore të Komunës së Prizrenit për periudhën 2024-2026.
2. Vendim mbi shpalljen e interesit të përgjithshëm publik
3. Vendim për lejimin e ndarjes së mjeteve për projektet me bashkëfinancim me fermerë në Komunën e Prizrenit
4. Vendim për bashkëpunim komunal ndërkombëtar
5. Vendim për dhënien e titullit qytetar nderi i Prizrenit për znj. Elizabeth Dole
6. Vendim për subvencionimin e qirasë për familjet të cilat nuk kanë mundësi financiare të bëjnë pagesën e qirasë
7. Vendim për dhënien në shfrytëzim afatgjatë të pronës së paluajtshme të komunës me negociim



#### **Mbledhja e rregullt – 27 korrik 2023:**

1. Vendim për bartjen e mjeteve të pa shpenzuara nga të hyrat vetanake të vitit 2021 në vitin 2023;

#### **Mbledhja e jashtëzakonshme – 14 shtator 2023:**

1. Vendim për miratimin e buxhetit të komunës së Prizrenit për vitin 2024 si dhe parashikimi për vitet 2025 dhe 2026;

#### **Mbledhja e rregullt – 28 shtator 2023:**

1. Vendim për ndryshimin dhe plotësimin e vendimit Nr.001/011-64797 të datës 04 Maj 2023.
2. Vendim paraprak për shpalljen e ankandit-tenderit publik për dhënien në shfrytëzim-qera afatshkurtër të stadiumit të qytetit.
3. Vendim për formimin e komisionit vlerësues për dhënien në shfrytëzim-qera afatshkurtër të stadiumit të qytetit
4. Vendim për miratimin e programit komunal tre (3) vjeçar për banim 2023-2025
5. Vendim për ndryshimin dhe plotësimin e vendimit Nr. 001/011-1831 të datës 30 dhjetor 2022;
6. Vendim për ndryshimin dhe plotësimin e vendimit nr. 001/011-64795 të datës 04 maj 2023;
7. Vendim për hartimin e planit zhvillimor komunal
8. Rregullore për organizmin dhe bashkëpunimin e komunës me fshatrat, vendbanimet dhe lagjet urbane në territorin e komunës së Prizrenit
9. Rregullore për Bonuset e Zonimit;

#### **Mbledhja e rregullt – 26 tetor 2023:**

1. Vendim për ridestinimin e mjeteve buxhetore në kategorinë ekonomike të investimeve kapitale;
2. Vendim për formimin e Komisionit Përzgjedhës
3. Vendim për miratimin e raportit të komisionit komunal për vlerësimin e dëmeve nga fatkeqësitë natyrore dhe fatkeqësitë tjera
4. Vendim për hartimin e Planit Zhvillimor Komunal sipas kërkesës së MMPHI-së. (Rishqyrtim)

### **Mbledhja e rregullt – 23 nëntor 2023:**

1. Vendimi për formimin e grupit punues për hartimin e planit të punës së Kuvendit për vitin 2024;
2. Vendim për caktimin e normave tatimore për tatimin në pronën e paluajtshme për vitin 2024;
3. Vendim për vënien në shqyrtim publik të planit rregullues të hollësishëm “Zona e parkut për industri të lehtë në Prizren – Parku i Biznesit” sipas hartës zonale të Komunës së Prizrenit.
4. Vendim për emërimin e komisionit për udhëheqjen dhe koordinimin e punës në terren për zgjedhjen e këshillave lokale
5. Vendim për emërimin e komisionit të ankesave për procesin e zgjedhjes së këshillave lokale.
6. Vendim për anulimin e rregullores nr. 001/011-141488, të datës 28.09.2023 për bonuset e zonimit
7. Vendim për dhënien në shfrytëzim afatgjatë të pronës së paluajtshme të komunës me negociim

### **Mbledhja e jashtëzakonshme – 07 dhjetor 2023:**

Kjo mbledhje është thirrur sipas kërkesës së 1/3 të anëtarëve të Kuvendit. Mirëpo, për shkak të mungesës së pjesëmarrjes së anëtarëve të Kuvendit, u konsiderua e pa suksesshme.

### **Mbledhja e rregullt – 28 dhjetor 2023:**

1. Rregullore komunale për kushtet, kriteret dhe procedurat e ndarjes së subvencioneve dhe transfereve dhe granteve.
2. Vendim për miratimin e listës së veçantë të pronave të paluajtshme të komunës që planifikohen për dhënie në shfrytëzim gjatë vitin 2024.
3. Vendim për formimin e komisionit përzgjedhës.
4. Vendim mbi shpalljen e interesit të përgjithshëm (hapja dhe ndërtimi i rrugës – Lagjja Bajram Curr).
5. Rregullore për ndryshimin dhe plotësimin e rregullores nr.001/011-38749 dt.10.03.2022 për menaxhimin e mbeturinave në komunën e Prizrenit.

Në këtë vegëzë gjeni të publikuara në web-faqe të Komunës së Prizrenit të gjitha aktet të cilat janë miratuar dhe i'u është konfirmuar ligjshmëria nga organi mbikëqyrës:

<https://kk.rks-gov.net/prizren/category/vendimetrregullore/>

#### 4.2. Aktet e Kuvendit të kthyer për Rishqyrtim nga Organi Mbikëqyrës

Bazuar në Ligjin për Vetëqeverisje Lokale, Kuvendi i Komunës është i obliguar që të dërgoj listën e akteve të miratuara për shqyrtim të ligjshmërisë në autoritetin mbikëqyrës si dhe të presë konfirmimin e tyre për t'i futur në fuqi.

Gjatë vitit 2023, Kuvendi i Komunës së Prizrenit ka nxjerrur akte nga të cilat disa i'u janë kthyer për rishqyrtim nga ana e autoritetit mbikëqyrës (MAPL).

Aktet të cilat janë kthyer në rishqyrtim, janë si vijon:

1. Vendimi për hartimin e planit zhvillimor komunal,
2. Rregullore për Bonuset e Zonimit,
3. Vendim për vënien në shqyrtim publik të planit rregullues të hollësishëm "Zona e parkut për industri të lehtë në Prizren – Parku i Biznesit" sipas hartës zonale të Komunës së Prizrenit,
4. Vendim për formimin e Komisionit Përzgjedhës.

Kuvendi i Komunës së Prizrenit, ka përmbushur detyrat e saj në raport me obligimet ligjore dhe në afat ligjor ka përmirësuar aktet e cekura më lartë.

## 5. Plani i Punës së Kuvendit për vitin 2023

Çdo vit kalendarik, Kuvendi i Komunës duke u bazuar në ligjet dhe akte nënligjore, miraton planin e punës së Kuvendit, në të cilën parashihet mbledhjet që do të mbahen sipas muajve, pushimin vjetor si dhe pikat që duhet të sillen në kuvend për shqyrtim, diskutim dhe miratim. Në vijim do të paraqesim realizimin e planit të punës si dhe ngecjet në realizim.

### 5.1. Realizimi i Planit të Punës

Plani i punës së KK-Prizren për vitin 2023, ka paraparë të mbahen 10 mbledhje të rregullta por duke mos u kufizuar në to. Pra, është përmbushur një obligim i Kuvendit, pasi që 10 mbledhje të rregullta janë mbajtur. Po ashtu nga 64 pika që janë paraparë që të diskutohen, shqyrtohen dhe miratohen nga Kuvendi, numri i cili është përmbushur është 52 prej tyre.

### 5.2. Sfidat në realizimin të Planit të Punës

Sfidat gjatë vitit 2023 kanë qenë kryesisht në sjelljen apo paraqitjen e pikave të planit të punës nga ana e ekzekutivit komunal. Më poshtë do të paraqesim listën e pikave që nuk janë sjellë në Kuvend për tu shqyrtuar.

1. Shqyrtimi dhe miratimi i Rregullores për vullnetarizëm (propozim i DKRS)
2. Shqyrtimi dhe miratimi i Plotësim - ndryshimit të vendimit për rregullimin e qytetit dhe shërbimeve komunale Nr. 01/011-2 i datës 18.11.2004. (propozim D.Inspektorateve)
3. Raporti mbi Planin trevjeçar të banimit social (propozim i DPMS)
4. Raporti i Komisionit komunal të aksionarëve të Ekoregjionit (propozim i grupit punues)
5. Shqyrtimi dhe miratimi i Rregullores e për transparencë komunale (propozim Z. informim)
6. Informatë për vlerësimin e Planit Zhvillimor Komunal (PZHK-së) (propozim DUPH)
7. Shqyrtimi dhe miratimi i Planit Zhvillimor të Arsimit 2023-2025 (propozim DKA)
8. Plani i Veprimtimit për Komunitetin jo shumicë 2023-2025 (propozim ZKK)
9. Shqyrtimi dhe miratimi i plotësimit dhe ndryshimit të rregullores për përdorimin e gjuhëve (propozim ZKK)
10. Shqyrtimi dhe miratimi i propozim vendimit për rishikimin e buxhetit 2023
11. Raporti i Zyrës së personelit për periudhën janar – qershor 2023 (propozim i grupit punues)
12. Shqyrtimi dhe miratimi i projekt rregullores për parkingje (propozim DSHP)
13. Miratimi i Planit të Punës së Kryetarit të Komunës 2024.
14. Raporti i Komisionit për emërtimin e rrugëve dhe shesheve.
15. Raporti i Zyrës për komunitete dhe kthim për vitin 2023.

Bashkëlidhur gjeni vegëzën e wep-faqes zyrtare të Komunës, ku gjendet i publikuar plani i punës së Kuvendit:

<https://kk.rks-gov.net/prizren/wp-content/uploads/sites/26/2023/02/3.-Plani-i-Punes-i-Kuvendit-te-Komunes.pdf>

## 6. Transparenca dhe Llogaridhënia

### 6.1. Hapja dhe transparenca e proceseve vendimmarrëse

Kuvendi i Komunës gjatë vitit 2023, ka demonstruar një nivel të lartë të transparencës në procesin e vendimmarrjes, për të siguruar informimin dhe pjesëmarrjen e qytetarëve. Vlen të cekët se gjatë 13 mbledhjeve të rregullta, sa ka mbajtur për këtë vit, kryetari i komunës me ekzekutivin komunal kanë marrë pjesë për të siguruar transparencë sa më gjithë përfshirëse karshi qytetarëve të komunës. Disa aspekte thelbësore që tregojnë transparencën janë si vijon:

- Publikimi i Shpalljeve dhe Njoftimeve:

Kuvendi përmes zyrës për informim ka bërë publike shpalljet dhe njoftimet lidhur me datat e mbajtjes së takimeve nëpërmjet mediave, duke përfshirë faqen zyrtare në internet, rrjetet sociale, portale elektronike, dhe mediat nacionale.

- Transmetimi i Drejtpërdrejtë i Mbledhjeve:

Mbledhjet e Kuvendit transmetohen drejtpërdrejt në rrjetet lokale të televizionit dhe rrjetet sociale. Po ashtu, të gjitha mbledhjet postohen në web-faqen zyrtare të Komunës, duke e bërë shpërndarjen e informacionit më të gjerë dhe të lehtë.

- Publikimi i Dokumenteve të Mbledhjeve:

Të gjitha dokumentet për pikat e rendit të ditës paraqiten në web-faqen e Komunës dhe në rrjetet sociale, duke e mundësuar qasjen për të gjithë të interesuarit. Ky veprim siguron transparencën dhe hapësirën për vlerësimin dhe komentimin e publikut.

- Publikimi i Akteve të Miratuara nga Kuvendi:

Aktet që miratohen nga Kuvendi dhe konfirmohet ligjshmëria e tyre janë publikuar në mënyrë të hapur në web-faqen zyrtare të Komunës. Ky proces siguron që vendimet e Kuvendit të jenë të njohura publikisht.

Në këtë vegëzë, gjendet i publikuar në web-faqen zyrtare të Komunës rubrika Kuvendi, ku janë të gjitha të punët që bëhen nga Kuvendi:

<https://kk.rks-gov.net/prizren/Kuvendi/>

### 6.2. Bashkëpunimi dhe mirëmbajtja e dialogut me shoqërinë civile

Organizatat e shoqërive civile kanë dhënë kontribut të vazhdueshëm në fusha të ndryshme, të cilat aktivitete bashkëpunuese kanë qenë të shpeshta edhe me Kuvendin e Komunës gjatë vitit 2023. Kuvendi ka mbajtur dialog dhe bashkëveprim të rregullt me organizatat e shoqërisë civile. Ndër më të rëndësishmet kanë qenë: Konsultimi Aktiv, Pjesëmarrje në Komisione dhe Grupe Punuese, Komunikimi, etj.

Këto veprime tregojnë përkushtimin e Kuvendit të Komunës së Prizrenit për të qenë transparent dhe për të përfshirë sa më shumë qytetarë në proceset vendimmarrëse.

## **7. Sfidat dhe Problemet Kryesore**

Në këtë kapitull do të paraqesim sfidat dhe problemet që janë trashëguar dhe paraqitur për gjatë vitit 2023, si dhe hapat që janë ndërmarr për t'i zgjidhur ato probleme.

### **7.1. Identifikimi i sfidave kyçe dhe problematikave**

Në listën vijuese do të paraqesim sfidat dhe problematikat që po e përcjellin Kuvendit e Komunës edhe në vitin 2023:

1. Mungesë e laptopëve për anëtarët e Kuvendit,
2. Mungesë e stafit në sektorin e Kuvendit të Komunës,
3. Ngecje e përkthimeve në gjuhët zyrtare të dokumenteve të Kuvendit,
4. Mos respektimi i kohës së përcaktuar të diskutimeve, gjatë seancave të Kuvendit,
5. Mos funksionalizimi i pajisjeve digjitale në procesin e votimit dhe të diskutimeve,
6. Moszbatimi në tërësi i planit të punës së Kuvendit nga ana e ekzekutivit.

### **7.2. Hapat që janë ndërmarrë për të adresuar këto sfida**

Përpjekje të vazhdueshme për të zgjidhur sfidat e paraqitura në Kuvendin e Komunës, ka bërë jo vetëm Kryesuesja e Kuvendit, por edhe anëtarët e Kuvendit duke reaguuar përmes seancave dhe formave tjera.

Kryesuesja e Kuvendit në vazhdimësi ka bërë kërkesa drejtuar Kryetarit të Komunës dhe ekzekutivit komunal, në formë verbale dhe me shkrim për zgjidhjen e problemeve që janë paraqitur në funksionimin sa më efikas të Kuvendit si dhe ka dhënë ide, propozime për një zgjidhje të qëndrueshme dhe përfundimtare për probleme të trashëguara dhe aktuale të Kuvendit të Komunës.

Pika 1 e pikës 7.1 veç se është përfunduar gjatë vitit 2023 dhe janë pajisur me laptop anëtarët e Kuvendit, ndërsa pikat e tjera pritet që do të realizohen gjatë vitit 2024, po ashtu presim nga ekzekutivi komunal që të ketë parasysh kërkesat e Kryesueses së Kuvendit, në raport me obligimet që i kanë karshi Kuvendit të Komunës.

## 8. Përfundim

### 8.1. Prioritetet e planifikuara për vitin 2024

Një nga prioritetet kryesore të përcaktuara për vitin 2024 për Kuvendin e Komunës sonë është funksionalizimi i plotë në secilën sferë të veprimtarisë së tij.

Funksionalizimi i Kuvendit në secilën sferë ka potencialin të sjellë një ndikim pozitiv të drejtpërdrejtë në cilësinë e jetës së qytetarëve dhe zhvillimin e përgjithshëm të komunës sonë.

Në përpjekje për të arritur këtë synim, parashihen të ndërmerren hapa të rëndësishëm, duke përfshirë:

1. Respektimin dhe zbatimin e Ligjeve dhe akteve nënligjore të Republikës së Kosovës,
2. Organizimi i punëtorive, vizitave studimore, trajnimeve për anëtarët e Kuvendit,
3. Përforcimi i transparencës dhe përfshirjes së qytetarëve,
4. Bashkëpunim më i ngushtë me ekzekutivin komunal.

Me një angazhim të përbashkët në realizimin e këtyre hapa si dhe duke i ruajtur praktikatat e mira të cilat i kemi krijuar në bazë të ligjeve, synojmë që të dalim si një Kuvend më i suksesshëm në nivelin e Republikës së Kosovës, dhe të jemi një model për Kuvendet e Komunave të tjera.

### 8.2. Përmbledhje e përgjithshme, komente, sugjerime, vërejtje

Ky raport është një përmbledhje e aktiviteteve kryesore që kanë ndodhur në periudhën janar-dhjetor 2023 në Kuvendin e Komunës së Prizrenit.

Pas diskutimeve të këtij raporti në Komitetin për Politikë dhe Financa (KPF) dhe Kuvend të Komunës, planifikohet publikimi i tij në faqen zyrtare të Komunës së Prizrenit.

Mirëpresim komente, vërejtje dhe sugjerime nga pjesëmarrësit dhe ndjekësit e këtij raporti, pasi që kjo kontribuon në një proces të hapur dhe transparent për të gjithë.

Raporti do të jetë në dispozicion për të gjithë qytetarët në faqen zyrtare të Komunës së Prizrenit, duke theksuar përkushtimin ndaj hapësirës së transparencës dhe pjesëmarrjes së publikut.

Ju ftojme të ndani mendimet dhe vlerësimet tuaja në lidhje me ngjarjet e raportuara dhe të jeni pjesë e këtij procesi të rëndësishëm për zhvillimin e komunitetit tonë.

Me respekt,  
Kryesuesja e Kuvendit